

Ayuqnaittunut Naunaitkutat Ihuaqhautinut taapkununga Umingmak Hikuliaqpaluit Nanminiit (Umingmak Diamond Property) Nunanik Atuqtittiniqmut Piinnarialiutainut

Taamna Umingmak Hikuliaqpaluit Nanminiit (Umingmak Diamond Property (taamna “Nanminiq”)) talvani Qitiqmiuniittuq Aviktuqhimayumi Nunavunmi. Taamna Nanminiq ungahiktigiyuq 250 km-nik kivalliqhianit hivuraanit nunallaqmit Qurluqtuqmit qaniyaaqhuni taapkununga havakviunngittumik Jericho-mut taamnalupin uyaraghiuqviinut. Nanminiq taamna pingahunik havakvilik: taamna James Kuugaa (imaaluuniit “Katiqhuqviat”), Umingmak Tahiryuamilu Havaangit.

Uyaraghiuqtut taja Nanminiqnit piinnarianiktitauyut Kuin Nunaaniittut Inuillu Nanminiit Nunanit (“IOL”) taapkunani Nalvaqhiuqtit Piinnarialiutainik P-18, P-19, P-21, P-22, P-23, P-24, P-25-lu. Uyaraghiuqtit havaangit taja ataniqtuqtauyut taapkununga: Nunaqaaqqaqhimayut Ukiuqtaqtumiullu Ikayuqtiit Kanatami (“INAC”) Nunanik Atuqtittiniqmut Piinnarialiutainik (“LUP”), nappaa N2015C0020; Nunavunmi Imaliqiyit Katimayit (“NWB”) Imaqmut Laisiutainik, nappaa 2BE-MDP1520; Qitiqmiuni Inuit Katimayit (“KIA”) Nunanik Atuqtittiniqmut Laisiutainik, nappaa KTL315C011; Nunavunmi Avatiliqiyit Katimayit (“NIRB”) Ihumaliugait Ihivriuhimayainit, nappaa 15EN024. Piinnarialiutihimayut taapkua uyaraghiuqtit havaangit taapkuanguyut nunauyaliuqtit, nunanik qauyihaiyut, nalvaqhiuqtut, nunam qaanganik qauyihaiyut hikuliaqpalungniklu ikuutaqtunik (hikuliaqpalungnik ikuutaqtut piinnarianiktitauniat IOL-nit Utiqtittiniqmut Qutangnaitjutit piyaugumik KIA-kunnit).

Nalvaqhiuqtut Nanminiqnit uplumimut taapkuanguyut Nanminiqnik pulaaqtunik nunamiklu-qauyihaiyut nuna qanuriningaanik Kimberlite-miklu Paqittittiyillu (“KIM”) paqitaghanik, talvuuna katitirivaktut uyaqqanik qauyihaqtaghanik 2015-mi nalvaqhiuqtut, nunanik qauyihaiyut, nunauyaliuqtut, nunamlu qaanganik qauyihaiyut 2016-mi. Ikuutaqhimaittut huli Nanminiqmi uplumimut. Ahiagullu, nayugakaffungnik hiniktaqviittut taja tamangnik nalvaqhiuqviuyut ikayuqtauvakkamik talvaniittutuqqarmik Lupin Uyaraghiuqviat Hiniktaqvianit.

Tughirautauyut ihuaqhautauyughat angiklivaalliutighanut angiqtauhimayunik uyaraghiuqvingnik talvani uyaraghiuqviulaqtumi. Naunaitkutaq 1-mi ilittuqhitiyuq taimaa taja nuna atuqtaghat angiqtauhimayut (Nalvaqhiuqtit Piinnarialiutait) nutaaqlu uyaraghiuqvighaq, talvani pingahuuyut uyaraghiuqvighat atauhiqlu atuqtitauyuq. Piinnarialiutinit ahiagut aallannguqtiqtaghaittuq.

2017-mi nalvaqhiuqtit aullaqtihimayaat aullaqtitaunariqnariahugiyaat taimaa July 1-mi ahu, piinnarianiktitaugumikluuniit, aularaaqnariahugiplugulu ukiumi. Aajjikkutait aullaqtitaghat naahuriyauyut taimaa aularaaqlutik pingahunik hitamanikluuniit ukiunik.

